

Tapak gazebo dibina di SK Gusi sempena penganjuran Rentas Borneo 5 UMS

UB 10.4.2019 A5

Oleh YAP SIONG HAN

RANAU: Universiti Malaysia Sabah (UMS) menerusi Institut Biologi Tropika dan Pemuliharaan (IBTP) serta Kelab Sukarelawan Pacuan 4 Roda UMS (UMS 4WDVC) akan menganjurkan program Rentas Borneo 5: Ekspedisi Lipan Bara ke Sekolah Kebangsaan (SK) Gusi, Ulu Sugut, di sini pada 25 sehingga 28 April 2019.

Rentas Borneo adalah acara tahunan UMS berkonsepkan tanggungjawab sosial korporat (CSR) akan melibatkan sebanyak 25 buah kenderaan pacuan empat roda akan menjalankan khidmat komuniti di kampung-kampung pedalaman Sabah yang sukar diakses



TAPAK untuk mendirikan gazebo turut dibina semasa tinjauan diadakan.

menggunakan kenderaan biasa.

Baru-baru ini, penganjur Rentas Borneo 5 yang diketuai Presiden UMS 4WDVC, Prof. Dr. Shahril Yusof beserta rombongan seramai 12 orang menggunakan empat kenderaan pacuan empat roda telah membuat tinjauan awal ke SK Gusi.

Pada tinjauan itu, rombongan turut membawa bersama bahan binaan untuk membuat tapak gazebo bacaan murid-murid SK Gusi.

“Kita juga telah membuat perbincangan dengan pihak sekolah dan penduduk kampung bagi membuat persediaan awal Rentas Borneo 5.

“Antara aktiviti yang akan dijalankan adalah sesi motivasi pelajar, pertandingan melukis, persembahan bakat, sesi penanaman pokok buah-buahan dan sayur-sayuran, pemurnian projek solar, sukaneka, pembinaan gazebo bacaan untuk murid SK Gusi, pemeriksaan kesihatan, kelas penjagaan gigi dan lain-lain lagi,” katanya dalam satu kenyataan di sini pada Selasa.

Beliau berkata, aktiviti dan program bersama murid-murid sekolah di pedalaman sekurang-kurangnya dapat membantu menaikkan prestasi akademik mereka.

“Dalam masa yang sama juga, kami dapat membantu penduduk kampung meningkatkan ekonomi mereka melalui kaedah penanaman sayur dan buah-buahan yang terkini, di samping berpeluang mendapatkan pemeriksaan kesihatan dan mendapatkan ubat-ubatan memandangkan kemudahan klinik terdekat adalah agak jauh,” katanya.

Sementara itu, Pengerusi Persatuan Ibu Bapa dan Guru (PIBG) SK Gusi, Kamarudin Unangga berkata, beliau sangat gembira kerana Kg. Gusi dipilih menjadi destinasi Rentas Borneo kali ini dan memaklumkan penduduk kampung sangat teruja menunggu kehadiran rombongan UMS nanti.

Turut serta dalam rombongan tinjauan itu ialah Pengerusi Rentas Borneo 5, Prof. Madya Dr. Mahadi menaikbar Dawood merangkap Timbalan Pengarah (Penyelidikan dan Inovasi) IBTP.